



Nuuk 30. September 2015

Inatsisartut Suleriaasianni § 37 naapertorlugu Naalakkersuisumut atorfilinnut soraarnerussutisianut tunngasumik apeqquteqarpunga.

(Inatsisartunut ilaasortaq Agathe Fontain, Inuit Ataqatigiit)

Apeqqutit:

1. Suna tunngaviua atorfillit soraarnerussutisiaat Danmarkimi qaffasinneruneranik, uffa atorfilik Nunatsinni sulilluni soraarnerussutisiassanik katersaaqartoq?
2. Naalakkersuisut isumaqarmat tamanna naleqquttusoq?
3. Naalakkersuisut tamanna pillugu qanoq iliuuseqarniarpat atorfillit soraarnerussutisiaqaleraangamik qallunaat nunaaliartannginnissaat pillugu?

Tunngavilersuut:

Oqaatigineqartarpoq atorfillit soraarnerussutisiai marloriaatingajannortartut qallunaat nunaanni soraarnerussutisiassat tigugaanni, naak Nunatsinni katersarisimagaluarlugit, tamanna Inuit Ataqatigiinniit tulluartsorineqanngilaq. Atorfillit soraarninngoraangamik amerlasuut Danmark-imut nuuttarput. Nunarput taamaalilluni utoqqarnik nukittuunik isumalluutaasinnaasunik annaasaqartarluni aammalu ilaqqutit avissaartuuttoqalersarluni, naak ernuttat, angajoqqaat aataakkuilu illoqarfeqatigiikkunik nunaqqatigiikkunilluunniit iluaqutaasinnaassagaluartoq. Inuit Ataqatigiit Inatsisartunit aammalu Folketingimit tamanna pillugu eqqasuuteqarput, inuit 2-300-ut ukiup ingerlanerani nuuttarmata, ilaatigullu utoqqaat arlaqartut. Nunap atorfissaqartippaa utoqqaat nukittuut, inuunermik ilisimasallit, aammalu inuusunnerusunut ilisimasaminnik tunniussisinnaalluurtut, iluaqtigilluarsinnaasaannik.

Taamaattumik pinaveersaartariaqarparput utoqqaat soraarninngoraangamik Qallunaat nunaannut nuuttarnerat.

Ullut suliffiusut qulit iluanni apeqqutit tamakkerlutik akineqarnissaat qinnutigissavara.